

كتاب الشاطرة بسبسة
شعر للاطفال

تأليف
شاكر صبري

رباعيات

عمك خميس دخل الدكان
دخل وكان وياه شعبان
بصوا هناك لقوا فيه تعبان
بقي وشهم اشكال والوان
شوقي ومجدي وفريدة
بابا جابلهم بدلة جديدة
سابوا عندها البنت سعيدة
دي عبيطة خالص وعنيدة
بقت حنت وف كل مكان

تامر وعامر وسلامة
ربوا علي السطح حمامة
طارف وعاشو ف ندامة
جابو واحدة تانية بعلامة
بقي سطحهم م الخير مليون
فاتح وسامح ونبيلة
كان عندهم كلبة جميلة
علي راسها حطو الشخيلة

وسلسلة حلوة جميلة
عاشو معاها ف خير وامن
عمك فرج ابو صفارة
واقف علي دماغه اشارة
ماسكة اديه عمي شرارة
وشعرهم كله نشارة
وعقلهم كان كله جنان

**

رمزي وفوزي مع فلفل
جاييين خروف يهوس يهبل
داهنينه اسمر ف مشكل
واكلوه مرة مخلل
قعد شهور تعبان عيان

اصحاب دايمنا

كان فيه واحد اسمه سمير
كان طيب واصحابه كثير
ويا باباه بيروح الدير
كان وياه صادق ومنير
اما محمد صاحبه بجد

دايما يذكر ليه الود
واحمد ساعة الجد يسد
متفقين علي حسن العهد
ساعة الشدة بيبقوا كثير
كانوا علي فعل الخير اعوان
شايقة قلوبهم كل امان
صحبة جميلة علي الاحسان
اللي يشوفهم قال اخوان
ولا قدامهم تلقي عسير
ولا واحد منهم بيغير
الا لما بيعمل خير
احمد بقي دي الوقتي طبيب
وسمير بقي بعزيمته نقيب
و منير الشاطر بقي عالم
في الهندسة فاهم واريب
بقي صادق صحفي ومذيع
والكل لاصحابه مطيع
ولا واحد لبلاده يبيع
ومحمد بقي احلي وزير

يرسم لبلاده التعمير

احمد مع صادق وسمير

ومحمد وفؤاد ومنير

////////////////////////////////////

عم الصياد

عم الصياد حط الشبكة

شدها باديه طلع سمكة

ادها لواحد متحاجها

علشان تطرح ليه البركة

حطها تاني ونادي يا ربي

ارزقتي وبارك لي في دربي

اصلح حالي وصلح قلبي

لقي في الشبكة اكبر سمكة

قال حمدا ليك ربي عليها

انا لاولادي راح اوديها

وشواها لقي جوهرة فيها

اتاريها جوهرة الملكة

رجعها وخذ جايزة كبيرة

بقي عنده فلوس حاجة كثيرة

وقال يا الاهي حمدا ليك

الفضل ده كله راجع ليك

لو نصدق بنلاقي البركة

.....

اخو فرقع لوز

اخو فرقع لوز قنفد وعجوز

ويموت في اللوز ولا يضحكشي

عصبي ومكار كذاب فشار

وكلامه هزار ولا ينصحشي

وقع ف الناس عامل فلحاس

مابيفهامشي لكن ترباس

كل الاصحاب وياه ف عذاب

صعب وكذاب ما بيرحمشي

جه مرة يجرب وف غيره يكهرب

ما بيسلمشي من جهله اتعذب

عاد مكره عليه شمت اعاديه

ليه ما اندمشي ناره بتكويه

عاش ف قناعة عرف الطاعة

صلي جماعة بالخير يمشي

قال دي الوقت انت وانت
صاحبي واختي ما تطنشي
ونصح روحه ينسي جموحه
ردد دايم او عي تغشي

.....

عيد الاضحى

عيدنا يا عيدنا يا عيد الاضحى
ياللي عنيك للعالم واضحة
وبتهدي لنا شموع الفرحة
وبنرمي الايام الجارحة
ورجعنا نزور البستان
و لقينا هناك الكروان
وسمعنا اجمل الحان وكاننا قاعدين في الفسحة
عيدنا يا عيدنا يا عيد الشمس
يومك بهجة وراحة النفس
وقدومك تطهير للنفس
ولا غيرك يا حبيبنا وبس
وهنبدا من اول صفحة
نستناك ايام وشهور وملايكة في السما بتزور

وف ايدك قناديل النور بستان خير مليون بزهور
وتجارتك للعالم رابحة
عدي علينا من الفجرية
قول لنا اقعد انت وهيا
بعد ما نخلص م التصحية
ايا منا الجاية راح تبدا
ونقابلك بوشوشنا السمحة
وهنمسك قناديل الفرحة
عيدنا يا عيدنا يا اجمل فرحة
.....

مرحب بيك يا خروف العيد

قلبنا بيك فرحان وسعيد
مأماً يا اللانط ومأماً
من فرحتنا تعالي اتحقق
بص ف عينا تعالي ودقق
غني معانا اغاني العيد
دا احنا بنفرح بيك يا خروف
اجري معانا ولف وطوف
ولمراجحنا بص وشوف

واوعي تكون مننا مكسوف
حواليك جينا الايد ف الايد
بحييك وبنستناك
حواليك نجري ونمشي وراك
قوم يا خروفنا تعالي وشوفنا
تلقني ضيوفنا
فرحها اكيد
مأ مأ يا اللا
معانا اتسلي
كل واتحلي
هتبقى شديد
هل علينا العيد بالخير
بفرح فيه مالك وفقير
سعدنا بيك يا خروفنا كبير
علشان مانتش لنا عنيد
يوم العيد يوم الاضحية
علمتنا معني التضحية
هنضحى لبلادنا الغالية
والحجاج ماليين عرفات

ندعي لمصرنا بالبركات
ندعي نقول يا الاهي احرسها
صون جوامعها وصون كنائسها
من شياطين عايز تدنسها
يلقي الخاين ليها خراب
تبقي حياته عذاب ف عذاب
يلقي جزاؤه لسوء النية
وتكمل فرحنا بالعيد

////////////////////////////////////

الشاطرة هالة

الناس بتحب هالة وهالة تبقي مين
دي هالة بنت شاطرة وحبيبة الملايين
وهالة أخت رانيا بنت الناس الصالحين
بتعطف عالغلاية تحب المساكين
وتقول هابقي طيبة أداوي المكروبين
وتقول هابقي قريبة للناس المحتاجين
وهالة بنت غالية لكل الموجودين
هالة ف الفصل شاطرة اخت لكل التلاميذ
والخايب راح تشرح له ببساطة بدون تعجيز

اما المحتاج بتجيب له اكل مغذي ولذيذ
بتساعد اليتامي تمسك ايد العواجيز
بسماحة في المعاملة وبحكمة ف التنفيذ
وعارفة اللي عليها وعارفة اللي لها
وكل حاجة راح تعملها ف وقتها
بتحب طاعة بابا وطاعة امها
ولا عمر بيكره هالة الا الناس القاسين
لكن ما يهمهاشي الا دعا الوالدين
وتقول ربنا يهدي كل الناس العاصيين
وتقول انا ليا ربي وكمان انا عندي دين
دا هالة بنت شاطرة وحببية الملايين

////////////////////////////////////

احمد وصاحبه مصطفى

احمد وصاحبه مصطفى متلهفين عا المعرفة
عاملين مسابقة في القراءة ويا قلوب متشوفة
اما سعاد تسمع لهم دايمًا تقرب منهم
من قلبها بتحبهم ولو تشوفهم ز علانين
كانت تقرب جمعهم
يتقابلوا دايمًا كل يوم ولبعض بيقولوا الجديد

واللي ما جابشي اي شيء يقضي يومه مش سعيد
وماما عارفة كل شيء وتمدهم بالنور اكيد
وف الصحافة تلتقاهم كل يوم جايين جديد
وف الاذاعة تلتقاهم كل يوم راح يبدعوا
والكل فرحان بالتسابق بالمفيد يستمتعوا
بيزيدوا ويزيدوا كمان وكل يوم راح يلمعوا
عايزين يكونوا حاجة حلوة ولبلدهم ينفعوا
دي الوقت بقي احمد مذيع الناس اليه راح يسمعوا
ومصطفى صحفي كبير الشر باديه يمنعوا
وسعاد بقت ف الجامعة استاذة بتكتب عنهم
ذكرياتهم في الطفولة وهيا عايشة ف ظلهم عن
واتعلمت منهم كثير وهي واحدة منهم

.....

المية

المية سرسوبها بسيط
وانا باخبط راسي في الحيط
وانا جاري كان عنده ماتور
وبتطلع علي اخر دور
علي صوت المية انا صحيت

لا انا قادر انا اغسل وشي
ولا قادر للمدرسة امشي
واصحابي في البيت الثاني
بيرشوا المية علي وشي
المية عننا محبوسة
واحنا احتاسنا اخر حوسة
قاعدين بنقشر ف الكوسة
من واحد تافه و غتيت
وده واحد ساب الحنفية
بتنزل خرطوم المية
ولا خايف م الناس الثانية
وساعتها يا ناس اتجنيت
يا اللي تبذر يا اللي تدمر
ف بلادك همك راح يكثر
وساعتها هتقعد تتحسر
ويا ريتك للناس حبيت
ويا ريتك بالناس حسيت
ويا ريتك تعرفها يا ريت

////////////////////////////////////

تمت بحمد الله